

Maro ar c'hi rouz

E Presbital Plougwin 874

Var Dôn eur Werz koz

1

Selaouit braz ha bian, tud koz ha bugale
Potred a Lanrivoare, merc'hed Gwitalmeze
Lambôliz, Santiz-Pabu, paganiz Landeda,
Eur c'helou trist a lakfe eur garrek da ouela.

2

Persoun Plougwin en doa, dre vadelez Doue,
Eur c'hi euz ar re gaerra dà ziouall e leve,
Allaz, allaz, an ankou zo kwezet var ar vro
« Tout-Pipi » or c'hi terrubl, « Tout-Pipi » zo maro.

3

Kavet vardro Lockmajan, puchet en eur c'horn-tro,
Ha gwerzet d'ar presbital 'vit eur banne « tako »,
Tout-Pipi n'eo ket eaz anaout he ourin,
Ar pez 'zo sur, he gerent n'emaint ket e Plougwin.

4

Diouz ma kount eur miliner e zeo deut euz a bell,
Euz a gichen Tombouktou pe deuz a Blouarzel,
Ma neo ket euz a Gastel, pe deuz a Enez-Vaz,
Var-eùn a-hed al lignez divar gi Tobiaz

5

Kement o deuz hen gwelet e kreiz e yaouankiz
A zo red dezho anzao e zoa eur c'hi dreist-priz,
Gant he zae flour marellet, dem-rouz ha dem-velen :
Roschild en dije prenet kant mil lur he groc'hen !

6

Rampet evel cun trebest, he goy tost d'an douar,
Biñkwaz eur barrad avel ne c'hellaz hen diskâr,
He fri tougn du-moggeded, he froniou braz-digor
O dije great avi da hotred an Arvor !

« Rap, rap, » leiz e gorramen, « rap, rap,
Choant en doa kana gwelioch' eget kloc'h Treglonou.

8

Ne oa ken da lavaret nemet, e pevar ger,
Ne jouche ket awalac'h a-zindan he dailler,
Ha c'hwaz ma ve bet gwisket dezhan eun tam bragez
Ne voa ket propoc'h aotrou var zouar ar barrez.

9

Pa gweze er presbital an derchen, ar chleaved
N'oa ket gwelloc'h medesin eget ar chi raouled,
Da gonsoli ar chlanvour en he bournaden
Tout-Pipi d'ar pildrotik a gerze 'n he gichen.

10

Siouaz, ar givizerien, re vag en ho staliou
O doa taolet varnezhan malloz Fanch an Ankou,
Ha dizale oue gwelet he groc'hen o freuza
He gov serret d'ar bouet, hag he lost o kweza.

11

He zaoulagad koc'hennet, he benn trist a pounner,
Kaer e oa pokat dezhan, ha dourna kant Pater,
Eun dervez e oue ranket e gas da : Bont-an-Traon
Eno e zeo bet krouget. Kleier sonit : kaonv, kaonv !

12

C'hoarxit brema dizourzi, targisien ar barrez
Ne vezoe'h mui dilojet euz a douez an drez
Ha chui, laeroun avalou, ha laeroun ar pechez
Ne vezoo mui diskolpet loeren ho pragez

13

Biken n'hellin lavaret pegen braz rangalon
O peuz bet da ziwaska, paour-keaz Aotrou Person,
Koll eur chi euz ar seurt-ze a zo koll eur fortun
Gwelloc'h e ve deoc'h beza torret ho korn butun !

14

Ha chui, tud ar presbital, Mari ha Mari-Jeann
C'hi o piye evithan taolet ho tourn en tann ;
Kemmeskit oll ho taelou ha kanit ganen-me :
Kenavo d'an Tout-Piti : « Requiescat in Pace !

(Great gant PAOTR TREOURÉ, da chi rous, he vedezin).